

朱子大全

冊本



晦庵先生朱文公文別集卷第七

詩堂融賦飛

解蓋王與一維那以下見陳利用編大同集

老親比苦重聽服上人藥遂良已上人索詩

久廢無次聊復此殊不佳也紹興癸酉九月

晦日紫陽朱仲晦書開日暮天寒無賦煖不

當年事幽討結友窮名山曾逢許斧子去採玉芝還歸來

坐空房神清骨毛寒起視塵中人一見了肺肝探囊出刀

圭生死毫釐間相逢瘴海秋遺我黃金丹高堂得聽瑩班

衣有餘歡謝師無言說古井生波瀾

上廣文不致良田令官事下致重譴只與

廣文何事創樓居收拾家藏理蠹餘尙有簡編充棟宇擬

陳車馬大門閭移床客去邀明月送酒人來遞異書縱使

清貧無長物猶勝四壁似相如

考試感事戲作

海邑三年吏勤勞不爲身但令官事了從遣黠兒嗔

題米倉壁

度量無私本至公寸心貪得意何窮若教老子莊周見剖
斗除衡付一空

題安隱壁

征車少憩林間寺試問南枝開未開日暮天寒無酒飲不
須空喚莫愁來

題梵天方丈壁

輸盡王租生理微野僧行乞暮還歸山空日落無鐘鼓只
有虛堂蝙蝠飛

五月五日海上遇風雨作

疾風吹雨滿征衫陸走川行兩不堪塵事縈人心事遠濯
纓何必在江潭

兩絕句送順之南歸

門前三徑長蒿萊愧予慙懃千里來校罷遺書却歸去此
心元自不曾灰

幾年江海事幽尋徧興雲僧話此心今日肯來論舊學歲
寒猶恐雪霜侵

寄陳講師

以下見別編臨江集

聞道山中客年來鬢欲皤靜便三徑小貧覺一身多且喜
詩無病從教睡作魔故人今領衆猶足慰蹉跎

別陳講師

幾年勞夢想今日慰登臨况入芝蘭室又聞金玉音與君
連夜語盡我一生心此外成華髮無因得重尋

登閣早山

疊疊層巒鎖闕宮我來舊地訪靈蹤
葛仙去後無丹竈弟子今成白髮翁
一派泠泠臺下水半空漠漠嶺頭雲
祖師成道沖天去只有無窮受籙人

送單應之往閣山

杖頭挑月入煙蘿城郭塵埃柰爾何
若到名山高着眼洞天深處異人多
回首名山我舊遊曾將風袂挹浮丘
如今不及臺邊水長向山前山後流

送李道士歸玉笥三首

偶隨雲去伴雲歸笑指清都在翠微
爲我中間留一榻他年去著薜蘿衣

玉笥山連都水坑，拂雲樓殿對崢嶸。
君歸後夜無餘事，臥聽寒泉落澗聲。
莫惜臨行酒一杯，看君上馬古城隈。
相望兩地無多遠，頻寄音書與鴈來。

題赤城觀

落日空山秋氣清，泠泠古木亂蟬鳴。
僊人一去鶴不返，劍客重來丹已成。
靜對竹爐煙縷直，細看月窟桂華生。
此身舊有蓬瀛約，玉簡歸來問姓名。

尤溪縣學觀大閣

見尤川志及南溪祠堂志

令尹絃歌不下堂，叱嗟層觀麗扶桑。
朱甍碧瓦臨無地，散帙投壺樂未央。
得意溪山供徙倚，忘情魚鳥共徜徉。
應觀物我同根處，剖破藩籬卽大方。

十月上休日遊臥龍玉淵三峽，用山谷驚鹿須要

野學盟鷗本願秋江分韻得鷗字

按大全集但有秋字韻不載此

鷗字韻馮本有之或云先生命門人所作而後不用或又云得兩韻而集軼之以下見南康

集

匡廬霜天後不見雲氣浮木葉紅已疎山顏轉清幽向聞
有絕壑乃在臥龍湫及此遂一往幸無煙景愁躋攀欲其
深泉石固所求况有百尺崖噴雪飛寒流幽岑自回抱直
下鳴青璆便可洗我耳枕石忘所憂精神共虛廓方物皆
悠悠所恨非獨往不能恣夷猶仰歎雲間鶴俯羨谷中鷗
先生先我來結屋陽岡頭虛名付忠武滅迹慕巢由是間
頗足居不田亦平疇野人種椒橘崖蜜易歲收西源有老
翁卷舌藏戈矛似學辟世士乃欲邀聖丘先生且無然但
作一月留俟我有決計宅時卜從游

次周師溫遊書堂韻兼簡坐上諸同志

疇昔因來行水餘依依唯認昔人居新堂已幸經重構舊
事難追更特書所願絃歌聞十室休誇文字賦三都同來
況有濂溪裔心印相傳儘未疎
謝與齊西源居士廝寄秋蘭小詩爲謝
知有幽芳近水開故攀危磴斲蒼苔却憐病客空齋冷帶
雨和煙遠寄來

記謝與齊西源居士廝寄秋蘭小詩爲謝

其熱至樂齋記謝與齊西源居士廝寄秋蘭小詩爲謝

盤谷傳公客於泉州城東之佛寺間卽其寓舍之西偏治

一室達其南北以爲軒窗極爽塏左右圖史自六經而下

百家諸子史氏之記籍與夫騷人墨客之文章外至浮屠

老子之書荒虛譎詭諧小說種植方藥卜相博奕之數

皆以列置無外求者公於是日俯仰盤礴於其間繙羣書

而誦之蚤夜不厭人蓋莫窺其所用心而公自以爲天下之樂無易此者故嘗取歐陽子之詩以名其室曰至樂之齋而顧謂某曰爲我記之某辭謝不敏不嫻於文字且不敢爲庸人誦說而況敢爲是耶旣公命之不置某不得終辭乃承命而退推公意所以然者而書之曰人之所以神明其德應物而不窮者心而已古之君子自其始學則盡力於洒掃應對進退之間而內事其心旣久且熟矣則心平而氣和沖融暢適與物無際其觀於一事物之變蓋無往而非吾樂也而況載籍所傳上超羲農下至于茲其間聖賢之行事問學之源奧是非得失理亂存亡廢興之故包括籠絡靡不畢具苟涉其辭義而心必契焉則其可樂而玩也豈不亦至矣哉惟世之學者或不足以知此而勞於記誦佔畢之間以爲事是以語之至者旣扞格而不

入於心惟其粗厲而不平者感而入焉則其間勃然而鬪而怒矣亦何樂之云哉某惟歐陽子之詩與公之所以取焉者蓋其指略如此因序次以爲公齋記云紹興二十六年閏月癸卯新安朱某記

怨齋記

溫陵陳君養正讀書之堂同郡呂君少衛榜之曰怨齋而陳君有謁於予曰願有記也予故以是往而觀焉則其垣屋位置與夫几案圖書花藥之列無不合其宜得其所蓋飾不過侈而簡不至陋起居便適而視聽無邪真若幽人逸士之居者雖予亦樂之將爲之記而問其作興端原則曰此吾居第之東榮也凡茲棟宇皆亡所改於其舊惟鑿牕牖以候明晦焉而爲是室也此亦何所可記顧吾之所以望於夫子者願聞怨之說而盡心焉耳予聞之懔然曰

子之志則善矣而非予所敢當也予不佞少從先生長者游嘗竊聞夫恕之說以爲不過推己之心以及人而已勉而行之又以爲無難也然克己之功未加而蔽於有我之私勝則非此未嘗不病焉而何敢易言之以重得罪於聖人之門也用此辭謝不敢有者幾累月陳君請之不置而呂君亦以爲言予不得以終辭也則歷誦前語而謂之曰以是爲記足以不沒乎爲齋之實而亦可見強恕之難矣惟呂君幸以爲不悖於所以名之意則庶乎其施也二君皆曰善遂書寘齋屋壁間以視陳君且自警也紹興二十七年十二月五日新安朱某記

祝文

鄉飲舍菜二先師祝文

見大同集

敢昭告于先師堯國公先師鄒國公朝廷舉遺興禮使郡

縣三歲一行鄉飲酒之禮以迪其士子俾莫不精白以祇承明詔某爲縣長吏敢不以時奉行卽事之初以禮舍菜于先聖至聖文宣王以公等配

赦後祭

祝文

見南康集

乃季秋辛未天子有事于合宮樂備禮成歆祭澤于宇內凡諸祀壇宇之有功於民者悉詔有司潔嚴報享惟王聖德神功賴及萬世至今天下生人有一日之安者皆王之德也邦有彝典敢或不虔仰惟明靈尙其昭鑒

祭文

祭芸谷文

先生之曾孫沂藏錄藁

維乾道五年歲次己丑三月丁巳朔十有四日庚午迪功郎差充樞密院編修官朱某敢以香茶酒果之奠託友人林用中致祭于亡友林君師魯之靈惟昔先君與芸齋先

生遊而吾師魯又不鄙某愚嘗不遠數百里過我潭溪之上蓋將從容講學以共進於斯道也顧以姻喪欲留不可自是一別遂訣終天嗚呼痛哉志長命短如師魯之才之敏乃不克究其業而止於斯吾徒二三子失良友之助能不隕涕相吊而况高堂垂白又何以堪此愁苦耶某形疲道遠不能往哭香茗之奠以累同志遵承先志收拾遺文并以囑之庶可無憾嗟嗟師魯尚克鑒此而享之耶嗚呼哀哉

祭文 先生之孫濬家藏

維淳熙三年歲次丙申九月癸卯朔十六日戊午宣教郎朱某敢以酒肴之奠告于 太夫人 氏靈筵曰我昔貧病掩關自休有來自東而辱與遊既往既來十年頓久義篤情親謂我昆友我相其流以必其源曰是世德抑母之

賢惟母之賢聘 名族媿德清門慈祥雍睦成其二子學
古行脩左右致孝色思其柔顧我者誰曰寔其季適騫以
翔遽以憂躋我聞其憂驚歎失聲孰勤斯誨弗俾其榮往
吊不能且悲且愧千里緘辭相此一酌嗚呼哀哉

題跋

芸齋遺文跋

先生之曾孫沂藏錄藁

先君子志尚高潔不妄與人交蓋嘗避地福之古田得芸
齋先生林公而與之遊愛其學識行誼有以過人而惜其
且將湮沒無聞於世也及仕於朝爲之延譽甚力然竟不
及試用識者恨之某自幼侍立先君子之側則已聞先生
爲人之大略近乃得其臨終手筆數十百言戒其家治喪
無用浮屠法者讀之然後知先生所學之純所養之固見
於死生之際者又如此宜乎先君子之所甚厚而不忘也

三復至言惟念先志追慕哽絕不知所言既而先生之子
魯山不遠數百里過某於潭溪之上道語舊故泫然久之
因謂某曰先人絕筆之書將刻諸石以傳學者子為我識
之某惟先生於此特示人以變俗由禮之大端耳若夫反
躬格物以明先王制作之本使其情文義數粲然大備盡
祛千載習俗之陋而壹反之於正豈不猶有望於後人哉
師魯篤志好學其果能進此以成先生之志則豈惟某與
一二友朋之願抑先君子實寵嘉之因敬書以附其後云
乾道戊子四月丁酉新安朱某敬書

書李巽伯所跋石鼓文後

先生之曾孫濬家藏

唐貞觀中吏部侍郎蘇勗著論岐陽獵鼓引歐陽虞褚
並稱墨妙為據三君體法為世楷式賞好為物軒輊在
當時已爾今其故蹟僅存隋珠和璧不足喻其珍也子

避地來南一日料檢行度得歧鼓及孔廟醴泉化度孟
師丹州諸碑流徙之餘偶無散落爲之驚喜過望書其
事以示子孫建炎己酉夾鍾五日維人李處權巽伯
余年十八九時邂逅李卿於衢守張紫微坐上二公皆一
時名勝揮麈論文意象超逸令人傾竦今觀此卷恍然若
將復見其人而追數歲月忽已四十寒暑矣不惟前輩零
落殆盡而及見之者亦無幾人可爲大息淳熙戊申五月
既望朱某仲晦父書

跋訛傳龜山列子解後

先生之曾孫
主簿家藏

龜山之見二先生在元豐之初此書作於其前固不足怪
跋語則出於其後而有非所宜言者矣豈其後人有惜是
書而不忍棄者託爲是語以重之歟噫是書則傳而其爲
龜山之累也甚矣向見沈公雅說有此書初不敢信淳熙

己酉夏將樂鄧絢爲寫寄來因得記其所疑於後且細讀
跋語中用字下語多不中律令與龜山他文不類其僞妄
不疑但不知何人所作耳七月三日某書

跋郭忠恕說文字源仙遊洪震夫家藏

楊文公蘇文忠公皆言郭恕先尸解而逝今觀此卷非斯
人之仙而誰仙耶淳熙癸卯晦翁

題折桂院行記 以下見南康集

始予至折桂院之西軒愛其江山之勝道人雲公爲予言
此未足觀少上當益奇因道予行深竹中竹盡得大阜背
負五老面直江湖東西數百里雲山煙水渺莽縈帶勝絕
不可名狀乃規作亭其處取李翰林廬山謠中語命以爲
黃雲觀會雲公去不果爲今年春乃克爲之未訖工而余
代去閏月晦日與清江劉子澄長樂林擇之開封趙子明

溫陵許景陽建安王春卿長樂余占之陳彥忠臨淮張致
遠長樂黃直卿俱來因記其事雲公諸王孫棄官學浮圖
法今客大洪山云淳熙八年辛丑歲朱某仲晦父題

題星子縣尉廨射亭

淳熙己亥季秋廿日新安朱某仲晦父奉同高川蘇史君
莆陽詹別駕零陵陳推官會稽方丞公盱江史版掾永新
潘丞公善化陳明府南康卜隱君邨鄆段議郎同寮楊子
美元範王之才董恭父奠故屯田劉公墓退飲尉廨射亭
盡醉書此以志

題落星寺

朱公永仲晦蔡季通汪清卿程正思鄧邦老陳彥忠萬正
淳俞季清來朱氏子在侍淳熙庚子三月丁卯

題落星寺張于湖題字後

朱某奉處士叔父同王南卿俞子壽吳唐卿李秉文陳勝私趙南紀及表姪俞潔己甥魏愉季子在俱來觀故張紫薇安國題字爲之太息淳熙庚子十月十三日也

題尋真觀

新安朱某仲晦永嘉薛洪持志永嘉張揚卿清叟縉雲王仲傑之才會稽陳祖永慶長臨江劉清之子澄長樂林用中擇之樂陽趙希漢南紀宜春彭樓子應宜春彭鳳子儀溫陵許子春景陽廬陵郭植廷植長樂余隅占之臨淮張彥先致遠淳熙辛丑後三月丙戌至此莆田傅公弼夢夏長樂陳士直彥忠先歸

題石乳寺

淳熙庚子重五日晦翁與程正思陳彥忠俞季清來翁子在甥魏愉從

題棲賢磨崖

新安朱某奉陪高川蘇史君闔中錢別駕簽書楊子美博士楊元範星子王之才武寧楊子直邯鄲段仲衡濂溪周師溫因遊臥龍遂至玉淵三峽門人丁克王翰甥魏愉幼子在從淳熙己亥四月上休日

題疊石菴

晦翁與程正思丁復之黃直卿俱來覽觀江山之勝樂忘歸時淳熙己亥重午日翁子在甥魏愉侍行

題折桂院

晦翁通叟送張襄陽至此痛飲而別

跋所刻和靖帖

右和靖先生帖得之祈君之子真卿淳熙庚子夏五月丙戌刻之白鹿洞書院新安朱某記

跋所刻包孝肅詩

此包孝肅公布衣時語蔡廷彥得之吳唐卿以語晦翁翁敬書之俾刻于白鹿洞

跋王太初所題

後十年朱仲晦甫賞識此詞後之人當勿毀也

書武侯草廬語遺張以道

張以道將之荆襄寫以送之慶元己未十一月十九日晦翁

題所書古柏行

右杜子美古柏行朱仲晦爲王之才書

晦庵先生朱文公文別集卷第七

侯官縣儒學訓導劉簪校

晦庵先生朱文公文別集卷第八

雜著

釋氏論上

建安吳應樞家藏湯東潤跋

或問孟子言盡心知性存心養性而釋氏之學亦以識心見性爲本其道豈不亦有偶同者耶朱子曰儒佛之所以不同正以是一言耳曰何也曰性也者天之所以命乎人而具乎心者也情也者性之所以應乎物而出乎心者也心也者人之所以主乎身而以統性情者也故仁義禮智者性也而心之所以爲體也惻隱羞惡恭敬辭讓者情也而心之所以爲用也蓋所謂降衷于民有物有則者儒也故其所以盡心知性者以其窮理而極乎心之所

之所有者無不識也所謂

養性

已而不失其本則性

是則情之

所發亦無不

正而可以應物

餘矣

性不見其分

別

給之

與

其指

者實

在精神魂魄之聚而吾儒所謂形而下者耳至其所以識
 心者則必別立一心以識此心而所謂見性者又未嘗
 睹夫民之衷物之則也既不睹夫性之本然則物之所感
 情之所發皆不得其道理於是槩以為己累而盡絕之雖
 至於反易天常殄滅人理而不顧也然則儒術之所以異
 其本豈不在此一言之間乎曰釋氏之不得為見性則聞
 命矣至於心則吾曰盡之存之而彼曰識之何以不同而
 又何以見其別立一心耶曰心也者人之所以主於身而
 統性情者也一而不二者也為主而不為客者也命物而

不命於物者也惟其理有未窮而物或蔽之故其明有所
不照私有未克而物或累之故其體有所不存是以聖人
之教使人窮理以極其量之所包勝私以去其體之所害
是其所以盡心而存心者雖其用力有所不同然皆因其
一者以應夫萬因其主者以待夫客因其命物者以命夫
物而未嘗曰反而識乎此心存乎此心也若釋氏之云識
心則必收視反聽以求識其體於恍惚之中如人以目視
目以口齧口雖無可得之理其勢必不能不相汝爾於其
間也此非別立一心而何哉夫別立一心則一者二而主
者客

自守滅情廢事以自棄君臣父子之間則心之用亦息矣
夫

所指以爲心性與其所以從事焉者
乃如此然則不謂之異端邪說而何哉曰然則其徒蓋有

實能恍然若有所睹而樂之不厭至於遺外形骸而死生之變不足動之者此又何邪曰是其心之用既不交於外矣而其體之分於內者乃自相同而不舍焉其志事而切其機危而迫是以精神之極而一旦惘然若有失也近世所謂看 之法又其所以至此之捷徑蓋皆原於莊周承蜩削鑿之論而又加巧密焉爾然昧於天理而特爲是以自私焉則亦何足稱於君子之門哉

釋氏論下

或問子之言釋氏之術原於莊子承蜩削鑿之論其有稽乎朱子曰何獨此哉凡彼言之精者皆竊取莊列之說以爲之宋景文公於唐書李蔚等傳旣言之矣蓋佛之所生去中國絕遠其書來者文字音讀皆累數譯而後通而其所謂禪者則又出於口耳之傳而無文字之可據以故人

人得竄其說以附益之而不復有所考驗今其所以或可
見者獨賴其割裂裝綴之迹猶有隱然於文字之間而不
可掩者耳蓋凡佛之書其始來者如四十二章遺教法華
金剛光明之類其所言者不過清虛緣業之論神通變見
之術而已及其中間爲其學者如惠遠僧肇之流乃始稍
竊莊列之言以相之然尙未敢正以爲出於佛之口也及
其久而恥於假借則遂顯然篡取其意而文以浮屠之言
如楞嚴所謂自聞卽莊子之意而員覺所謂四大各離今
者妄身當在何處卽列子所謂精神入其門骨骸反其根
我尙何存者也凡若此類不可勝舉然其說皆萃於書首
其 無以繼之然後佛之本真乃 如結壇誦呪二十
五輪之類以至於大力金剛吉盤茶鬼之屬則其龕鄙俗
惡之狀校之首章重玄極妙之指蓋水火之不相入矣至

於禪者之言則其始也蓋亦出於晉宋清談論議之餘習而稍務反求靜養以默證之或能頗出神怪以銜流俗而已如一葉五花之讖隻履西歸之說雖未必實有是事然亦可見當時所尚者止於如此也其後傳之既久聰明才智之士或頗出於其間而自覺其陋於是更出己意益求前人之所不及者以陰佐之而盡諱其怪幻鄙俚之談於是其說一旦超然真若出乎道德性命之上而惑之者遂以爲果非堯舜周孔之所能及矣然其虛夸詭譎之情險巧儂浮之態展轉相高日以益甚則又反不若其初清虛靜默之說猶爲彼善於此也以是觀之則凡釋氏之本末真僞可知而其所竊豈獨承蜩削鐻之一言而已哉且又有一說焉夫佛書本皆胡語譯而通之則或以數字爲中國之一字或以一字而爲中國之數字而今其所謂偈者

句齊字偶了無餘欠至於所謂二十八祖傳法之所爲者則又頗協中國音韻或用唐詩聲律自其唐之稍黠如惠洪輩者則已能知其謬而強爲說以文之顧服衣冠通今古號爲士大夫如楊大年蘇子由者反不悟而筆之於書也嗚呼以是推之則亦不必問其理之是非而其增加之僞迹狀明白益無所逃矣宋公之論信而有證世之惑者於此其亦可以少悟也哉

陳請

釋奠申禮部檢狀見臨漳語錄

伏覩淳熙六年尙書禮部頒降淳熙編類祭祀儀式內有合行申請事件須至申聞
一神位某近得禮部侍郎王普所著釋奠儀式考其位次爵號皆與此本不同大抵此圖自東而西兩兩相對而王

氏本自東序一至五次西序一至五又次東廊一至卅六
又次西廊一至卅五次西廊泗水侯孔鯉次東廊沂水侯
孔伋遂連中都伯左丘明以下至賈逵又次西廊杜子春
以下至王安石詳此次序固不如今圖之善但此圖十哲
次序亦有小誤蓋以論語考之當以閔損爲第一在東序
冉耕爲第二在西序冉雍爲第三在東序宰予爲第四在
西序端木賜爲第五在東序仲由爲第六在西序冉求爲
第七在東序言偃爲第八在西序卜商爲第九在東序曾
參爲第十在西序今迺以冉雍爲第一閔損爲第三冉求
爲第六仲由爲第七則亦誤矣又其爵號王氏本費公爲
琅琊公鄭公爲東平公薛公爲下邳公齊公爲臨淄公黎
公爲黎陽公徐公爲彭城公衛公爲河內公吳公爲丹陽
公魏公爲河東公成侯爲武成侯未知孰是又按國朝會

要政和間沂水侯與泗水侯俱封仍同從祀則王氏本爲
得之而此圖獨闕泗水委是脫誤其左丘明以下當從此
圖兩兩相對但左丘明當在西廊對孔伋而荀况以下當
在東廊公羊高以下當在西廊兩兩相對與此相反乃爲
得之耳伏乞更賜詳考改正行下

一祭器並依聶崇義之禮圖樣式某伏見政和年中議禮
局鑄造祭器皆考三代器物遺法制度精密氣象淳古足
見一時文物之盛可以爲後世法故紹興十五年曾有聖
旨以其樣制開說印造頒付州縣遵用今州縣旣無此本
而所頒降儀式印本尙仍聶氏舊圖之陋恐未爲得欲乞
行下所屬別行圖畫鏤板頒行令州縣依準製造其用銅
者許以鉛錫雜鑄收還舊本悉行毀棄更不行用

一釋奠時日注云仲春上丁仲秋下丁某檢準紹興乾道

淳熙令並云二月八月上丁釋奠文宣王卽無下丁之文
又嘗竊見五禮申明冊內有當時州郡申請禮局已改下
丁爲上丁訖其後又見故敷文閣待制薛弼任杭州教授
日所申今到本州檢尋頒降舊本却無此條恐是前後節
次頒降致有漏落將來如蒙別行鏤板卽乞先於儀內改
下丁作上丁字仍檢申明冊內備錄此條全文附載篇末
以證元本之失仍下州郡有舊本處並行批鑿改正庶使
州縣奉行有所依據

一元本陳設條內著尊四犧尊四著當作犧當作象今來
頒降新本已行改正而政和年中頒降舊本尙仍其舊州
縣奉行不無疑惑將來如蒙別行鏤板卽乞附載後來改
正因依於篇後或只將某此狀全文附載仍下州郡合將
舊本批鑿庶幾明白不至疑誤

一釋奠儀舊本鄒國公下並有舒王字今已刪去而不著其所以然者亦與舊本牴牾將來如蒙別行鏤板卽乞檢會靖康年中罷王安石配享先聖章疏指揮並行附載仍下州郡並將舊本批鑿

啓

回余衡州秀實

衡州之孫師魯家藏

賦祿真祠方遂燕居之適承流巨屏莫回成命之頒顧修

問之未遑辱移書之先及恭惟某官受材宏偉涵德粹溫問學有原盡得傳家之奧要文詞甚蔚坐觀作者之典刑盍升臺閣之聯猶屈江湖之守方慕先賢之治益觀美化之成鈴閣少留姑慰遠民之意璽書亟下遂還近侍之班某久仰英猷未諧良覲同寅有望儻分南服之憂歸賦可期卽返東臯之樂

回王正臣

見大同集

伏念行能無取藝業不脩學不足以見古人之用心徒極鑽研之力仕不足以行平日之所志第勞刀筆之間至於典禮義文學之官首誦說講論之事聖言高遠雖莫究於指歸絕業光明庶有開於來者過勤厚意貺以華牋仰褒飾之過宜顧省循而何有謹奉啓上謝

回衆解元

以下見南康集

竊審待問澤宮登名天府方幸究宣於明詔敢期誤枉於華牋披味以還感藏難喻解元先輩學推庠序行著州閭出膺續食之求足爲勸駕之重顧念朝家設科以取士本務得賢然而學者挾策以讀書但期干祿伊欲一新於敝俗不能無望於羣公輒誦淺聞少酬盛禮惟窮理脩身之要當有志於古人則尊主庇民之功庶無慚於當世

回待補生

竊審待問澤宮登名槐市方幸究宣於明詔敢期誤枉於華牋披味以還感藏難喻然朝家建學養士之意正爲育材而諸生辭家射策之心但期干祿伊欲一新於敝俗不能無望於羣公輒誦淺聞少酬盛禮惟古人爲己之志當有餘師則大學新民之功庶無違教

晦庵先生朱文公文別集卷第八

侯官縣儒學訓導劉簪校

卷之八

八

...

...

...

...

...

...

...

...

...

...

...

...

...

晦庵先生朱文公文別集卷第九

公移

漳州延郡士入學牒見臨漳語錄

契勘州縣兩學講說課程近日以來漸有倫緒但以州郡尊賢尚德之心有所未至致使諸生無所薰陶涵養以發其向道入德之趣不敏之咎何以自文今覩新汀州知錄黃從事器資渾厚操履端方杜門讀書不交權利鄉閭有識莫不推高若以禮請屈居州學正錄之任兼同主管縣學教導必能使諸生觀感而化有所興起前州學施學正允壽石學正洪慶皆以耆艾之年進學不倦強毅方正衆所嚴憚林貢士易簡李進士唐次或究索精微或持循雅飭察其志行久益可觀貢士陳淳太學生楊士訓齒雖尙少學已知方永嘉學生徐寓務學求師志尙堅確凡此數

士當職所知若悉招延異其禮際則凡學之子弟藏脩游
息無適而不得良師畏友之益庶幾理義開明德業成就
仰副聖朝教養作成之意其在外士人竊恐尙有年高德
邵闖里推尊經明行修流輩歸重而藏器自珍不求聞達
者更當廣行咨訪續議延請紹熙三年正月初二日牒

南康軍請洞學堂長帖以下見南康集

謹按國朝會要修復白鹿洞書院已差補職事學生入洞
管幹訖今按江南野史本洞舊制洞主之外更有堂長名
目今觀學錄楊日新年德老成在洞供職紀綱庶事表率
生徒績效可觀合行敦請須至給帖者右給帖付貢士楊
日新準此充白鹿洞書院堂長職事淳熙七年九月日帖

洞學榜

契勘本軍廬山白鹿洞書院元係唐朝太子賓客李公遺

跡經歷五代號爲國庠及至本朝太平興國中嘗蒙太宗皇帝賜以官書咸平年又蒙真宗皇帝重加修葺中間廢壞殆且百年今者本軍鼎新建立教養生徒漸有倫緒又承本路諸司及四方賢士大夫發到文籍收藏應副學者看讀以至山林田土亦已標籤界至措置撥買規模一新可垂久遠已具事狀奏聞乞賜勅額去訖竊慮向後諸色等人不知上件事理輒有毀壞以至偷盜文籍侵占田土及過往之人妄有搔擾事屬不便須至曉示者右出榜白鹿洞書院張掛各請知悉淳熙八年閏三月日榜

申諭耕桑榜

當職二月十五日依準近降指揮守令出郊勸農已印給勸農文榜并先來勸諭耕種田土勸課農桑及星子知縣王文林種桑等法文榜發下三縣貼掛曉諭民間通知去

訖續據王文林申到勸諭種田方法尤爲詳細竊慮都建昌縣人戶未能通知今分下兩縣曉示鄉村人戶仰遞相勸諭依此方法及時耕種用力旣勤必有豐年之報再此勸諭各宜知悉淳熙七年二月

辛丑勸農文

當職昨爲本軍民間農事滅裂累曾出榜反復勸諭自從去歲以來凡吾父兄子弟似亦稍相聽信方欲從事於深耕疾耘之務以冀一飽而當職不德刑政失中侵迫陰陽招致旱虐使吾父兄子弟終歲勤動而不獲有秋之望永思厥咎愧負何言尙幸一二父兄皆能率其子弟當此荒歉之中種麥耕田及時盡力不爲輕去墳墓之計而又賴天之靈宗社之福雨雪應候土潤泉通麥旣可期稻又可種嗣歲之功似已有可觀者而當職亦幸免於罪戾且將

受代而歸矣今以中春之月祇率典常躬載酒食出郊行
田延見一二父兄同舉此觴以告將別父兄其強食自愛
謹身循理以教子弟使之孝敬父母慈愛骨肉和睦鄉鄰
救卹災患輸納苗稅畏懼公法專心致力於農桑之務如
前此勸諭之云者而勿爲飲博遊惰爭鬪論訟一切非理
違法之事以陷刑辟其子孫之敏秀者則又教令讀書講
學使知先王禮義之教旣以上副國家長育人才之意而
爾之門戶亦將與有榮焉其前年舊榜及星子知縣王文
林耕田種桑法今亦再行給散并此勸諭各宜體悉淳熙
八年二月

招學者入郡學榜

惟此邦江山奇秀如此俊茂宜倍於他郡而誦絃之聲寥
寥曠絕此長吏教化不明之責也今敦請新臨江軍新淦

縣尉

就軍學傳道堂主盟文社教授總司教條每日講書次日覆三八出題四九日納課擇精勤者書考以示勸無籍者給食有籍者以次差補職事其不率教者則有規請賢父老勉其子弟努力從事於學尙庶幾以見其成焉

招舉人入白鹿咨目

恭惟國家以科舉取士蓋循前代之舊規非以經義詩賦策論之區區者爲足以盡得天下之士也然則士之所以講學脩身以待上之選擇者豈當自謂止於記誦綴緝無根之語足以應有司一旦之求而遂已乎今歲科場解發赴省待補之士二十有八又文行彬彬識者蓋稱之郡亦與有榮焉然惟國家之所以取士與士之所以爲學待用之意有如前所謂者是以更欲與諸君評之今白鹿諸生

各已散歸山林闕寂正學者潛思進學之所諸君肯來當
戒都養給館致食以俟專此咨白可否須報

勸農民耘草糞田榜

雨水調勻田苗茂盛仰人戶及時耘苗拔去草根多用土
糞如法培加已帖知佐月半以後不測下鄉點檢將田中
有草無糞之人量行決罰的無輕恕六月六日

勸諭趁時請地種麥榜

契勘秋來久早晚田失收茲幸得雨可種二麥今勸人戶
趁此天時多耕闊種接濟口食其有無地可耕之人及有
力多而地少者仰自踏逐空閑官地具出字號四至畝角
經縣陳請布種當與判狀執照免料權給一年其有情願
永遠請佃之人亦仰分明聲說卽與給據管業特免五年
稅科卽不得因而侵占他人見耕田地及廣行包占狀外

官地頃畝如有違犯許人陳告當以狀內所請地及見種子利充賞本人仍別科罪除已行下三縣照應施行外須至曉諭約束者

右榜勸諭人戶請詳此事理趁時多種二麥量力請佃官地務盡人力以相天功庶幾來年不至闕食淳熙六年九月

放官私房廊白地錢約束

照對目今天色亢陽見行禁止屠殺祈求雨澤未獲感應竊慮細民不易所有官私房廊白地錢自七月初二日爲頭五十文以上放五日五十文以下放十日

措置賑卹糶糴事件

竊見軍境久闕雨澤深慮細民將來艱食合預行招誘客販米舡就軍出糶并勸誘上戶停蓄以備饑急措置事件

下項

如遇客販米到岸欲就軍出糶仰赴務陳狀看驗稅物訖令就石寨內梢泊出糶卽與免在城稅錢三分或有糶不盡之數欲載往宅處須再經本務出給關引方得起離前去庶可關防欺隱透漏之弊今帖城下稅務遵依施行尋常客人糶米必經由牙人方敢糶常被邀阻多抽牙錢是致不肯住糶合嚴立榜賞止約許從民旅之便情願交易庶得牙人不敢搔擾使軍今立賞錢一千貫文榜市曹張掛曉示如遇客旅與販米斛到軍聽從民旅之便自行糶糶如牙人不遵今來約束輒敢邀阻解落牙錢許被擾人畫時具狀經使軍陳訴切待勾收犯人重行勘斷追納賞錢入官施行

米舡到岸雖欲出糶然貧民下戶不過斗糶卒難轉變錢

物未免留滯須當勸諭上戶及時收糴不惟他時可濟荒
歉於停蓄之家豈無宜利可謂兩便合帖委官敦請上戶
說諭

措置兩縣到岸米舡事

照對旱傷細民闕食合行出糴常平米斛應接細民食用
切慮向去日久有誤不測賑濟况今鄰郡州縣收成正是
客旅興販米斛之際本軍已行措置不行收稅仍放免本
舡雜物稅錢招納米舡住岸出糴接濟民戶日食其兩縣
務亦合依此措置招誘米舡候有米舡到岸卽將常平米
斛住糴準備將來支用七月十一日帖都昌縣
招誘客販米斛免收力勝雜物稅曉諭

照對本軍并管屬縣日近以來闕少雨澤見今祈禱未獲
感應米價漸高本軍已行下城下稅務都建昌縣招誘客

販米斛前來從便住糶免收力勝雜物稅錢不得邀阻減
尅牙錢之類外竊慮客人未能通知須至曉諭并帖縣依
此施行七月十五日

再勸修築陂塘

契勘今歲旱傷蓋緣人戶不修築陂塘積水灌溉田禾致
令乾死使軍已節次行下三縣及散榜給印榜曉示人戶
陂塘淺漏處亦合併力開掘修築如有欠闕工料支費并
諸軍縣借米喫用修築次年送納如陂塘廣闊費用工力
數多亦當計料工食申軍切待具申提舉衙撥米借貸

措置客米到岸民戶收糶不盡曉諭

照對管內田禾多有旱損切恐民間闕食已措置合稅務
多方招誘客人米舡住岸出糶接濟民間收糶食用與免
收納雜物稅錢今來漸有客旅興販米斛到來如有民戶

收糴不盡之數許令牙人并有力之家收糴停頓準備接濟合行出榜曉示

曉示鄉民物貨減饒市稅

照對近城鄉民全藉將些小係稅之物入城貨賣辦糴口食若依遞年收稅切慮無從所出合將客旅步擔輿販紗帛藥草絲綿雜物依舊收稅外其餘鄉民應有些小土產物貨入城轉變並與減饒三分之一合行約束不得因而作弊

約束不許偷竊禾穀

照對三縣管下田禾雖是旱損其間有水源及可車戽去處今來漸次成熟切慮有不守行止之人聚集偷竊禾穀合行下巡尉司嚴行禁約

約束諸縣泛催官物各給憑由

訪聞逐縣尋常文引勾追欠戶更不於引內批鑿少欠是何年分官物各色若干數目泛稱積年拖欠及追人戶到官多是人吏作弊不問所欠多寡例將斷罪是致小民憂疑不能安迹合行下諸縣約束如有人戶少欠官物各給憑由明言批鑿所欠是何年分官物立限給付少欠之人依限赴官送納

免流移民舡力勝

照對有流移之民舡至軍岸合行下稅務審實並與蠲免力勝放行

禁旅店不許遞傳單獨

訪聞管下旅店遇有單獨因病或流移之人到店多是慮其死亡更不容留遂行遞傳驅逐出界因此喪命合行下請縣多印榜文於旅店約束遇有過往單獨飢餓因病之

人卽仰所到店戶不得遞傳扛擡送出外界許就便米場驗實量給口食臨安痊日遣去萬一有死亡之人卽時報都保審實申縣行下如法埋葬以上七月十五日

取會管下都分富家及闕食之家

契勘管界久闕雨澤田禾旱損使軍已行委官措置招誘客人興販米斛蠲免力勝雜物稅錢禁戢減剋牙錢之弊勸諭前來出糶目今日逐有米不闕軍司亦已行帖都建昌縣及委官依使軍所行措置招誘客米赴縣住糶及勸諭上戶將所有米斛相各逐鄉村開倉依時價出糶應接民間食用去訖切慮向去富實戶將米斛停頓不行出糶使細民闕食不便合行立式預先委官取會管下都分蓄積米穀上戶及闕食之家如后七月十六日

某都共幾家

一富家有米可糶者幾家除逐家口食支用供贍地客外
有米幾石可糶鄉例糶數開客戶姓名米數併佃客地

一富家無餘米可糶者計幾家而僅能自給其地客佃客

不闕仍各開戶姓併佃客地

一中產僅能自足而未能盡贍其佃客地客者計幾家開

名取見佃客地客
姓名所闕之數

一下戶合要糶米者幾家

作田幾家各開戶名大人幾口小人幾口別經營
甚業次

不作田幾家各開戶名大人幾口小人幾口經營甚
業次

作他人田幾家各開戶名係作某人家田大人幾口小人

幾口兼經營
甚業次

右件如前並是着實即無隱漏其闕食之家亦無詐冒重

疊仍五家結一保如將來使軍委官審實挑覆却有不實

去處甘伏重罪不詞

施行旱傷委官驗視

照會本軍并管屬星子都昌建昌三縣自六月以來天色亢陽闕少雨澤田禾乾枯本軍恭依御筆處分嚴禁屠宰精意祈禱及行下諸縣精加祈禱去處今據星子都昌建昌三縣申依應遍詣寺觀神祠及諸潭洞建壇祭祀請水精加祈禱雨澤並無感應今來諸鄉早禾多有乾損及備據稅戶陳德祥等狀披訴所佈田禾緣雨水失時早禾多有乾稿不通收刈申乞委官檢視本軍今檢準淳熙令諸官私田災傷秋田以七月聽經縣陳訴至月終止本軍除已依條施行及具奏聞申省部監司外須至出榜三縣管屬鄉村都保各仰通知以上七月十六日

施行旱傷住官物一月

契勘本軍三縣遭此旱災早禾乾損已出榜曉諭人戶依
日投訴旱狀將來檢踏奏減秋稅外有去年秋 零少
多及今年夏稅全未納及分數緣其所欠並係起發上供
及本軍軍糧之數雖是今年早田不熟在法無緣免放然
而訪聞諸縣催 無術不免決撻保長搔擾人戶當此闕
雨之 深慮重困民力除已行下各住追催一月色 保
長人戶奔走期限例遭刑責費去車水工夫今仰人戶各
體此意遞相告報於住催一月限內自備所欠 各赴
倉送納上以應副官司起發綱運供贍軍兵下亦使本戶
不 物不被追呼得以一意車水救田別作營求 備
將來闕食之患公私兩便各仰知悉

諭上戶承認賑糶米數目

契勘本軍管下今歲旱傷田禾切慮細民闕食使司已行

下三縣推舉管下富實有米上戶并自能贍給地佃客富家姓名各家見蓄米穀數目或有田產而不多或無田產却有營運蓄積米穀錢物之家敦請赴官以禮勸諭承認賑糶米穀數目申軍所委官并三縣勸諭到上戶承認賑糶米共七萬三千二百六十八碩五斗已檢準前項條令出給公據付人戶收糶米斛回軍賑糶

在城上戶二十五名共認賑糶米一萬一千六百三十五碩每升價錢一十七文足

星子縣勸諭到上戶三十一名共認賑糶米一萬一千九百三十五碩每升價錢一十七文足

都昌縣勸諭到上戶五十九名共認賑糶米二萬八千九百八碩五升每升價錢一十四文足

建昌縣勸諭到上戶九十一名共認賑糶米二萬八百碩

每升價錢一十二文足以上七月

約束鋪兵

本軍蓋緣旱傷遂置曆及黃旗綠匣急速前去兩縣追會旱傷事件須管遵依台判日限時刻仰鋪兵連夜走傳至縣仍仰本縣於曆內批鑿承受日時手分姓名即時依限回報亦仰批發離縣日時責付鋪兵連夜依限赴軍投下以憑稽考違滯去處根究重作施行

檢坐乾道指揮檢視旱傷

使軍照對管屬星子都建昌縣人戶陳訴秋田旱傷使軍已立式出榜三縣曉示人戶赴縣投帳繳申使軍切待依條差官檢視減放苗米所有近水鄉分可以車戽注蔭得熟田段切慮人戶將旱傷田段袞同得熟之田影帶披訴今檢準乾道六年六月二十七日勅戶部曾尙書劄子奏

契勘州縣每遇災傷依法聽人戶經官陳訴差官檢視蠲放稅租訪聞近來往往多被豪戶計囑鄉司將豐熟去處一例減放其實被旱澇去處所委官憚於往來檢視則貧乏下戶不得蠲減臣愚欲望聖慈特降睿旨委諸路漕臣散出文榜於鄉村曉諭應有災傷去處仰民戶依條式於限內陳狀仍錄白本戶砧基田產數目四至投連狀前委自縣官將砧基點對坐落鄉村四至畝步差官覈實檢放如輒敢妄移豐熟鄉分在旱傷地分僥倖減免許諸色人陳告依條斷罪仍將妄訴田畝並拘沒入官以一半給告人充賞施行若州縣奉行減裂從漕臣按治重寘典憲取進止六月二十七日三省同奉聖旨依兼照檢踏災傷在法差官同合佐詣田所先檢見存苗畝次檢災傷田段合委官前去三縣鄉村究實得熟田段具帳申軍已行帖出

榜星子都建昌縣約束人戶從實投帳以備差官檢放如有將得熟田段影帶披訴却致被人戶陳告定依條斷罪追賞施行七月二十四日

施行下諸縣躬親徧詣田段相視

使軍契勘今歲三縣田禾旱傷間有邊臨山源溪澗或有得雨去處自熟田段其稅賦合全行輸納又有邊臨大港并有積水陂塘可以車戽接救田段皆是人戶自入夏一乾之後合家老幼舉債辛勤用工車水救得其禾稻十中只有三五分熟者卽行比倣自熟之田究見其數斟酌量輕重別作一等優卹兼有無水車戽全然旱死田段切慮人戶將來一槩投訴旱傷欲將各縣鄉分分委縣官趁此未曾收刈之際躬親下鄉遍詣田段地頭親自相視仍關叫耆保并人戶指證供結罪賞攢類開具供申

禁戢人從不許乞覓

使軍照對所委官下鄉切慮將帶合干等人因而生事乞覓搔擾事屬不便合令縣給口食與隨行人不得搔擾保正寺觀等人仍立賞降給文榜付檢旱官隨行張掛約束
放免官私房廊白地

照對星子都建昌縣軍自六月以來天色亢陽闕少雨澤見不住據人戶經軍縣陳訴旱傷切慮細民不易理宜寬卹所有人戶承賃官私房廊白地錢自八月初一日為頭以十分為率權行減免二分候至來年麥熟日仍舊以上七月二十九日

諭人戶種蕎麥大小麥

仰人戶趁此雨潤多種蕎麥及大小麥接濟食用
施行人戶訴狀乞覓

據學生馮椅劄子述照對今歲旱荒民戶已是投詞星子
見行委官檢踏其在都昌舊來踏旱之弊名色非一不敢
不以告者凡押旱狀官中所收則謂之醋息錢直日司乞
覓則謂之接狀錢已下案案吏乞覓則謂之買紙錢及投
旱帳則謂之投帳錢官員下鄉檢踏供帳民戶着押社司
乞覓則謂之着字錢檢踏官員隨從人吏於保正名下乞
覓則謂之俵付錢官司行下蠲放所納米斛社司隨斗數
數乞覓則謂之苗頭錢凡此之類皆蠹民之尤者官中所
放本以裕民而民之糜費乃至於是人戶旣已困窮坐受
其弊無力赴愬委實切害合行下星子都建昌縣嚴行約
束及出榜各縣門并檢踏官隨行張掛曉示人戶知委如
合千人依前乞覓前項逐色錢數仰人戶不以早晚具狀
經縣陳訴從本縣拘收犯人申解軍切待根勘依條施行

各令知委八月初一日

施行專欄牙人不許妄收力勝等錢

照對本軍近出榜於上江州軍曉諭客販米斛前來從便住糶免收力勝雜物稅錢及約束不得邀減牙錢之類外切慮牙人并稅務專欄不依先來約束仍前收納力勝等稅錢及牙人妄有邀阻減尅牙錢之類今立賞錢三十貫文省榜市曹并稅務檢稅亭張掛曉示客人知委廣行興販米斛前來出糶贏落利息如稅務專欄等人并米牙人輒敢收納力勝等稅錢及邀阻減尅牙錢之類仰各人不以早晚具狀赴軍陳論切待追收犯人斷罪追賞施行八月初四日

禁豪戶不許盡行收糶

照對本軍管下今歲旱傷訪聞目今外郡客人興販米穀

到星子都建昌縣管下諸處口岸出糶多是豪強上戶拘
占盡數收糶以待來年穀價騰踴之時倚收厚利更不容
細民收糶事屬未便如遇客人販到穀米仰上戶不得獨
行拘占盡數收糶許細民皆得從便食用

管下縣相視約束及開三項田段

使軍契勘在法檢視災傷先檢見存苗畝次檢災傷田段
蓋欲趁得人戶未及收刈之際略見荒熟大槩的實分數
然後豁出熟田細檢荒旱去處不致猾吏姦民通同作弊
本軍近緣荒旱檢坐上項條法行下諸縣遵依施行除星
子知縣王文林躬親下鄉兩日之內多歷都分見得荒熟
田段分明民間咸樂其來不以爲擾都昌權縣孫迪功亦
已申到躬親行視所見災傷等第人情苦樂皆有條理獨
有建昌一縣地理稍遠未據申到却訪聞得本縣官吏誤

認法意欲將熟田一坵一角逐一視委是繁碎不惟重擾災傷人戶亦恐枉費日月不能了辦合行約束

且如一坂之田大約百坵內有三五十坵成熟卽指定是何人田段約計畝角抄入熟田數內不在將來檢放之限如一坂百畝只有一二十畝稍稍成熟卽不須逐畝抄劄留與人戶充收牛糞口食仍令人戶一面收刈犁翻種麥量留根查聽候檢放

或有田面大槩黃熟而其中有未出者有出而青空者有出而白死者並係荒損然其根查却與熟田無異切恐將來收刈之後誤被抄入熟田數內不得檢放尤爲不便今請便行貌約多少定下荒熟分數令人戶一面犁翻種麥如今來所檢熟田數內將來續有死損卽仰人戶量留穗穡候檢旱官到別行陳訴續與檢放

乞行下江西從便客旅興販米穀

契勘本軍并管屬諸縣今歲旱傷全藉江西豐熟州軍客旅興販米斛出糶接濟細民本軍已行散出文榜招誘興販前來與免附載雜物稅錢行下城下稅務約束及出榜曉示米牙人不得減尅分文牙錢令客人自行出糶切慮向上州軍阻節不令穀米下河致使客旅不通及間有興販米穀舟船州軍妄以雜物爲名倚收稅錢是致商賈不肯搬販米穀前來出糶細民失望爲害非輕欲望鈞慈速賜行下江西豐熟州軍許令商賈從便興販米穀向下以來出糶應接民間食用仍乞嚴行禁戢場務不得妄作名色收納稅錢庶得客旅通行米價不致騰踊

約束米牙不得兜攬搬米入市等事

契勘諸縣鄉村人戶搬米入市出糶多被米牙人兜攬拘

截在店入水拌和增擡價直用小升斗出糶贏落厚利遂致細民艱食情實切害合行約束

約束質庫不許關閉等事

契勘質庫戶平時開張庫店典質錢物利息所入不爲不多纔值旱傷歲時輒以闕錢關閉邀阻遂致細民急切闕用無處質當兼目今闕雨澤城市古井多被有錢之家拘占夾欄不令衆人汲運情理切害合行告示約束施行

戒約上戶體認本軍寬卹小民

契勘本軍并諸縣今歲旱傷民間理宜寬卹今訪聞乾道七年放債豪強之家爲緣旱傷人無以償多被強取去猪羊以至入其家搜奪種子豆麥之類及抑令將見住屋宇并桑園田地抵價折還人無所歸遂致流移有至今尙未能歸業之人本軍雖行下三縣曉諭上戶體認本軍寬卹

之意量度欠債人戶如粗有收成有力可還之人隨宜取
索外其貧乏之人見闕口食委實無可償還仰上戶且與
寬容俟民力少蘇却行取索如將來人戶恃頑不還官司
卽爲理索外上戶乘此旱傷細民闕食之際強以此小錢
作合子文字借貸遂空頭年月價貫立契字未及踰時卽
行填掙預先月日經官投印及有吞圖婦女顧充奴婢致
細民受苦不一理合禁約以上八月
初八日

施行張廷諫訴旱傷事

據學生張廷諫劄子述夫旱曠之歲朝廷檢放秋苗成法
具在而上中等戶無不力陳必求其放免而後已縱使官
吏有弊亦須及半下戶無力陳告憚於所費故皆不投帳
守令慮不及此則有帳者次第減放無帳者多至全催糧
食之儲旣絕望於其前追租之吏又驅迫於其後回視屋

宇器皿布帛不可食者皆不可售進退皇皇朝暮不能相保今若不待投陳檢視凡下等之苗先此全免放則見存者其志益堅而已逃者各思反其鄉里矣遂行下當縣取會五斗以下米單名申軍不待檢視先次並與除放施行
八月十二日

施行邵良陳訴踏旱利害

使軍今照近據管屬星子都昌建昌三縣人戶陳訴田禾旱傷已帖委縣官躬親下鄉先次檢視熟田具帳供申去後據進士邵良劄子竊見官吏下鄉檢視田段略不問及人戶旱傷去處惟於每戶帳狀供具所熟田畝亦不問所熟分數但勒令供作全熟田段鄉民不知官吏深意皆相顧駭惑夫都昌田禾例宜早秬非若星子早田十居七八安有五月中旬一雨至今而有全熟之理雖陂塘塘脚下及

近容水去處間有熟者然賴車戽之勤所得不償所費而
又如此便利去處其實無幾且以所居一都言之惟麥坊
劉坊大寧余干之旱爲尤慘雖或一二分熟者然大槩顆
粒不收然則熟田實不能當旱田二十分之一誠恐官司
它日以所供熟田多少而定通放秋苗分數則些少熟處
適所以累及旱傷之家有大不均之病聞之鄉老皆以爲
今歲之旱酷於辛卯蓋彼時人家尙有歲備自夫一旱之
後加以連年暗折入間例無蓋藏自前月來鄉曲上戶小
民流離已覺相踵且今此正收刈之際人家尙有一二分
早禾可恃而已如此者雖亦糊口迫之誠以催科之窘且
深爲後日慮而畫此至無賴計耳比年以來都昌上戶多
爲小人誣賴故闕乏之際有力之家至不敢與交易由是
貧乏下戶愈覺坐困而無告今鄉曲猶未雨油麻粟豆並

烏有赤地未耕二麥且有失時之慮嗣歲之計彼將何措此蠲租之惠尤鄉民之所深望也昔唐制旱七分租庸調皆免被三分之收非不知取捐之蓋有深望也本軍遂作訪聞行帖三縣檢視官約束八月十七日

委官置場循環收糴米斛

照得本軍管界久闕雨澤旱死田禾目今在市闕米出糴切慮細民闕食合行借撥官錢委官就軍置場措置循環收糴米斛出糴應接細民食用八月十九日

約束遊手不許脅持良民

契勘今歲旱傷委官下鄉檢踏成熟田段外有旱田人戶一面犁翻種麥量留根查聽候別有官前來檢收切慮遊手脅持之人見人戶旱田已經犁翻耕種妄作鄉村虛聲首熟欺詐乞覓使善良人戶不敢犁翻以至種麥失時不

能安業今仰人戶知委若實有旱田卽依條量留根查以備檢放一面犁翻種麥免致失時如有似此脅持妄稱陳訴欺詐之人仰被擾人戶經官陳理切待追取送獄根勘斷罪施行

援例乞撥錢米

照對本軍今歲旱傷細民闕食已行下星子都昌建昌縣委官抄劄合賑糶賑濟戶口人數申軍及照得乾道七年旱傷係蒙提舉常平使司支撥到池州太平州蕪湖繁昌等縣常平米五萬碩差官管押前來本軍分撥下三縣賑糶賑濟遂具申常平提舉使司乞支撥米斛差官管押前來本軍賑糶賑濟續蒙提舉使司支撥信州貴溪縣常平米五千碩差人前去搬取及支撥池州常平錢五千貫省付軍收糶米斛賑糶

以上八月十七日

再諭人戶種二麥

使軍累行勸諭人戶耕種二麥蓋爲今年荒旱不比常年須是併力加工救濟性命今訪聞多有未施工處顯是頑慢已帖檢旱官并行催趣將頑慢惰農之人量行決罰先此曉諭各仰知悉

行下三縣抄劄賑糶人戶

照對近委官抄劄三縣管下賑糶人戶姓名大小口數申軍尋將已申到帳拖照得合賑糶人戶並不見聲說見住地名去處恐有漏落增添情弊難以稽考合行下逐縣將逐都塌畫地圖畫出山川水陸路徑人戶住止去處數內不合賑糶人戶用紅筆圈欄合賑糶人戶用青筆圈欄合賑濟人戶黃筆圈欄逐一仔細填寫姓名大小口數令本都保正長等參考詰實繳申切待差官點摘管實六月初

十日

行下三縣置場

照對見委官抄劄三縣賑糶賑濟人戶大小口數畫圖結
甲務要實惠及民無致妄冒所有置場去處委官斟酌量地
里遠近分定置場去處各縣水陸地里若干其勸諭到上
戶賑糶米斛亦合撥隸近便赴場去處以憑施行續據三
縣申置場共三十五處

星子縣置場七處 都昌縣置場十一處 建昌縣置場
一十七處 九月十五日

約束許下戶就上戶借貸

契勘今歲旱傷非常得熟處少本軍已節次行下三縣散
榜曉諭人戶趁此土脈未乾并力耕墾廣種二麥接濟將
來食用如有惰農耕種失時之人即請照已行榜示行遣

其貧乏無種糧之家請諭上戶借貸如要官司文曆卽印給令上戶收執遇有下戶借貸麥種糧食卽令就曆批領將來還足對行勾銷如有不還官爲理索

再諭上戶卹下戶借貸

契勘今年荒旱非常得熟處少本軍多方救卹務使人戶不至飢餓流移及行勸諭人戶多種二麥接濟喫用非不叮嚀當職近因出郊相視陂塘見得麥田多有未施工處蓋緣人戶打穀未了亦是官司勸諭未至其得熟處不闕種糧可以佈種然其人旣無飢餓之憂便乃懶惰其荒旱處合更勤苦又以難得糧種遂致因循今仰人戶速將所收禾穀日下打持趁此土脈未乾并力耕墾其高田堪種麥處卽仰一面種麥其水田不堪種麥處亦仰趁早耕翻多着遍數務要均熟庶得久遠耐旱宜禾其得熟人戶當

念幸得收成常生慚愧不可便致惰怠趁此餘力多種二
麥將來可以博得他處物貨其遭旱人戶當念既遭此難
尤當勤力多種食物方可養贍老小不致飢餓流移其下
戶無種糧者上戶當興憫惻之心廣加借貸目今施惠既
可以結鄰里之驩將來收成亦自不失收息之利庶幾過
此荒年各保安業今恐前來勸諭未明再此榜示仰人戶
知委 九月十二日

革住米舡隱瞞情弊

契勘賑糶場收糶米斛如遇米舡到岸內過稅舡隻收糶
三分住糶米舡止糶一分其住糶米舡法格並與免收稅
錢外訪聞客旅多生奸猾動是數隻到岸於內却將一兩
隻作住糶結計在市米牙人令其虛解牙錢稱就市糶訖
却將在舡住糶米斛夤夜搬傳往過稅舡內隱瞞官司合

行出榜約束九月二十日

行下場所革住米舡隱瞞

照得賑糶場近緣住糶米舡客人結計牙人虛解牙錢夤
夜搬傳米斛往過稅米舡之內隱瞞官司有此欺弊遂出
榜河岸約束今來尙慮住糶客人雖依曉示在市出糶切
慮關防不盡合行下本場自今後遇有住糶米舡卽令城
下稅務看驗具數關報賑糶場本場權住出糶令客人搬
米赴場從本場差人監用本場升斗自行出糶接濟細民
日報糶過米數糶足爲給關子放行庶幾杜絕隱瞞官司
之弊 月二十四日

申提舉司將常平米出糶

契勘本軍今歲旱傷細民闕食遂行下三縣抄劄到合賑
糶賑濟戶口人數已行措置賑糶賑濟所有本軍城下常

平倉見椿管 米八千八百九十三碩二斛六升五合
二勺除今年八月內盤量欠折米一千六十碩三斛二升
四合外實管見在米七千八百三十二碩九斛四升四合
八勺係是乾道八年以後逐年收糴到數目價錢不一其
米經年在敖內有結冒陳損兼照今年七年內管屬建昌
縣闕少米斛出糴所支撥義倉米估價應接民間食用每
升計價錢一十文足已具收報提舉使衙照會去訖所是
見管和糴米本軍今追到牙人沈先等供具其米經年陳
損與受納到人戶義倉米陳損色樣一同依市價每一升
估計價錢一十文足本軍照得上件米係是當來委官和
糴到數目切慮虧損元價未敢擅便出糴具狀申提舉使
衙照會依目今所估價直賑糴應接民間食用庶幾飢民
不致流移十月初五日

行下置場不許留滯客旅

契勘本軍今歲旱傷細民闕食雖移文江西州縣通放到客米舟舡又慮牙鋪解落及市民日糴數少阻滯客旅不便遂行委官置場支撥官錢依市價兩平交量收糴客米以備賑糴應接細民食用今訪聞得本場每遇客米到場中糴更不卽時交量及至交量又不卽時支還價錢切慮合干人因而作弊留滯乞覓錢物合行約束限當日交量卽時當官支給價錢如違將犯人勘斷十月十九日

行下兩縣委官捉人戶糴米減尅

契勘管下今歲旱傷細民闕食使軍遂措置支撥官錢差人前往外州縣收糴到米分撥兩縣出糴訪聞合干人將人戶所糴米並不依實支量公然作弊減尅今委逐縣知縣縣尉每日不測捉人戶所糴米三兩戶當官覆量如有

少數卽根究解人赴軍十月二十日
契勘本軍并管屬諸縣今歲旱傷最甚細民闕食及無米
支遣軍糧遂多方借兌官錢差撥公吏前去江西得熟處
州縣收糴米數回軍賑糴支遣及檢準
淳熙令災傷官
司不得禁止搬販及近降
指揮州縣不許閉糴如有遏
糴州軍許鄰州越訴及準今年八月十九日
聖旨節文
江東安撫使陳少保奏今歲災傷先合措置通放米斛州
縣有遏糴去處許行越訴本軍遂節次備坐移文隆興府
照會收糴去後已承回報行下諸縣許令本軍所差人收
糴米穀放行今却據差去公吏呂棋狀申在本軍建昌縣
管下二陂山田等處四散收糴靖安新建縣鄉人米斛欲
裝上舡覩奉新縣尉司弓手五十餘人各持鎗棒沿江巡

綽不容裝發米斛又被奉新縣差人越界釘斷建昌縣管下三陂潭德交口陂水把截不放舡隻上下往來已申建昌縣差保正隅官防護所糴米舡今於十月二十四日被奉新縣差弓級徐成等部領弓手保正等於要路把截不容鄉人搬糴米穀申乞施行本軍今照差去公吏呂祺係在本軍建昌縣界收糴靖安新建縣管下米穀其奉新縣官吏公然違戾見行條法及不遵今年八月十九日專降聖旨指揮輒差弓手持鎗棒沿河巡綽不容收糴又差人越界前來建昌縣管下三陂把截釘斷水口不惟本軍所糴米穀百端攔遏不行通放有誤賑糴支遣至於客販米穀舟舡亦不得往來公私利害至重移文隆興府并江西轉運司照詳前項條法指揮請將奉新官吏按劾仍通放米舡并申諸司行下隆興府通放本軍所糴米舡

并申御史臺乞依近降指揮彈奏施行十月初五日

晦庵先生朱文公文別集卷第九

侯官縣儒學訓導劉簪校

晦庵先生朱文公文別集卷第十

星公移

申倉部及運司檢放三縣苗米數

本軍照對管屬星子都昌建昌三縣自六月以來天色亢陽闕少雨澤田禾乾枯本軍恭依 御筆處分嚴禁屠宰精意祈穰及行下諸縣精加祈禱去後續據星子都建昌三縣申依應遍詣寺觀神祠及諸潭洞建壇祭祀請水精加祈禱雨澤並無感應今來諸鄉早禾多有乾損及備據稅戶陳德祥等披訴所布田禾緣雨水失時早禾多有乾槁不通收刈申乞委官檢視除放苗米本軍除已依條行下諸縣令人戶供投土段文帳差官檢視及於七月十六日具錄奉聞并申朝省及諸監司照會施行遂選差委迪功郎司戶參軍毛大年前去星子縣及委迪功郎星子縣

主簿李如晦前去都昌縣及委從政郎司法參軍陳祖永
前去建昌縣同逐縣知縣躬親詣旱傷田段地頭逐一對
帳檢視續據所委官員到已檢放過人戶災傷田段共放
過米三萬七千四百五十碩一斛二升三合一勺申軍本
軍今照星子都昌建昌三縣淳熙七年分管催人戶苗米
四萬六千五百一十九碩六斛五升四合五勺四抄七撮
數內除豁所委官檢放過米共三萬七千四百五十碩一
斛二升三合一勺統均計放八分以上外實催米九千六
十九碩五斛三升一合四勺四抄七撮本軍已具奏聞乞
存留上件米支遣官兵外今開具諸縣檢放實催米數下
項合具狀供申行在尙書倉部及申轉運司使衙照會
星子縣管催米六千五百三十石七斗三升二合六勺已
委司戶毛迪功同知縣王文林下鄉檢視

檢放米五千三百六十八石七斗二合一勺檢放計八分
三釐二毫

先放五斗以下四百石三升二合七勺所委官檢踏放四
千九百六十八石六斗九合四勺

實催米一千一百六十二石六斗六升五勺

都昌縣管催米一萬九千七百七十五石五升一合四勺
八抄七撮已委星子縣主簿李迪功同權縣孫迪功下鄉

檢視

檢放米一萬六千八十四石二斗七升一合放八分一厘
三毫四系先放五斗以下一千八百六十四石八斗七升
七合

所委官檢踏放一萬四千二百一十九石三斗九升四合
實催米三千六百九十石七斗八升四勺八抄七撮

建昌縣管催米二萬二百一十三石八斗七升四勺六抄
已委司法陳從政同知縣林宣教下鄉檢視

檢放米一萬五千九百九十七石七斗八升放七分九厘

一毫五系先放五斗以下米五百四十一石六斗七升

所委官檢踏放一萬五千四百五十六石一斗一升

實催米四千二百一十六石九升四勺四抄

糶場印式

入門訖監

交錢訖監

支米訖監

交錢若干訖監

依數支米訖監

號式用青絹印

係糶米入不到於
簿曆上用此印

某場監官隨行人吏某人斗子某人入門使押

夾截糶場交錢量米處

窗 交錢處

量米處

裏門

門

總簿式

使軍

今給總簿一面付某縣某場照給賑糶

廿一日 廿六日

曆頭賑濟牌子仰照此字號批鑿牌曆對填米數給付人
戶今就此簿交領逐次糶濟訖用支訖印於本日窠眼內
其糶不足者實填所糶米數候結局日繳申 年 月

日給

天字

牌

某都某保某人逐次

請

米若干訖姓名押

正月一日 六日 十一日 十六日 廿一日 廿六日

二月一日 六日 十一日 十六日 廿一日 廿六日
三月一日 六日 十一日 十六日 廿一日 廿六日

牌面印紙式

某縣某鄉第 正月一日 六日 十一日 十六日 廿一日 廿六日

都人戶 二月一日 六日 十一日 十六日 廿一日 廿六日

五日一次赴 三月一日 六日 十一日 十六日 廿一日 廿六日

場請賑濟米 閏月一日 六日 十一日 十六日 廿一日 廿六日

使 押

牌背題字式

縣給付 都 官 押用縣印

字號監 量米押

賑糶曆頭樣 量米

使軍所給曆頭即不得質當及借賣與不係今賑糶之人

如覺察得或外人陳告其與者受者並定行斷罪

今給曆付縣鄉都人戶

大人一口小兒六口每五日費錢赴收糴

如糴米大人一升小兒半升並五日并給閏三月終止

如糴穀大人二升小兒一升

右給曆頭照會淳熙八年正月六日給文米三升

使

正月初一日

正月初六日

正月十一日

措置賑糴場合行事件

照對管屬今歲旱傷尤甚細民闕食使司已措置委官抄

劄到闕食戶口及勸諭上戶承認賑糴米斛并支常平倉

見管米斛合自淳熙八年正月一日爲頭賑糶賑濟至閏月終住

糶支外令施行下項

一差寄居見任指使添差酒稅監押監廟官三十五員前去各縣逐縣監轄賑濟及要各縣當職官分場巡察不得容令隨行人并保正長作弊并監轄糶官每月支見任官食錢二貫文米六斗寄居官錢三貫米一石并逐場差撥人吏共三十五名每月支食錢一貫五百文米三斗

一使軍置造入門并交錢訖支米訖不到交錢若干訖依數支米訖印子各六枚各三十五箇并合千人青絹號云某處監官隨行人吏某斗子某人使押并置造升斗委官較量及簿曆給下逐場交管行使

一印給賑濟戶曆頭并賑濟人口牌面發下三縣交管於

賑糶賑濟前一月出榜曉示人戶定某日前來本場請領
曆頭牌子出榜後半月委各場監官就本場當官審實依
總簿內千字文號批鑿牌曆給付人戶附簿交領

一見置場賑糶米穀合於賑糶賑濟前十日勒逐都保正
將置場處用棘刺夾截作兩門兩重極小只通一人來往
外門之內裏門之外須極寬可容一場賑糶賑濟人外門
之側爲一窗後夾截交錢位子一間依使軍立去樣式告
示保正夾截

一見措置下場賑糶濟米穀所有般運及支破檐脚仍鈐
束合干人不得減刻斛面

官司米穀並前一日般赴場監官交足上戶米令各家自
用客津般每石三十里外支米三升三十里內二升十里
內一升其米就所糶內支官給價錢還上戶如米去場五

里內卽就各家見安頓監糶

官米陸路卽仰保正輪差能檐擎糶米人戶般送每石依上項計里數支雇米水路卽本縣和雇人舡裝錢比陸路減半支其人舡食米並於官錢內支使賑糶米穀一月分六次出糶常平米切慮內有去置場處稍遠般運艱辛卽令本場上戶一面兌米出糶卽令監轄官具糶過賑濟米穀報縣本縣以常平米糶錢依市價給還元兌糶米上戶交領其縣市去置場相近卽般運米斛前去置場處糶濟依已立定舡脚支破

施行置場賑糶濟所約束事

契勘賑糶賑濟人戶米穀已下場差官及合干人監轄外

逐場先出榜分定都分先後仍於外門外及裏門外各依

先後資次排定都分上戶坐處

近都先交錢後請米
遠都後交錢先請米

至日天未明監官入場隅官入交錢位子

隨行人非有保號不得入門

正大保長各將旗號引本都保下輪糶濟人赴場外門依

資次旗下座定以監官逐隊叫各保正以旗引保長保長

以旗先行賑濟人戶以次詣窗前呈牌隅官以入門印印

其左手訖撥入門監官逐隊叫各保正長引賑濟人以此

請米訖監官用支米訖印於牌下日子之左以濕布拭去

手印即時出門次引賑糶人戶詣窗交錢

上戶米錢自行交外更不附曆

常平米錢縣司差人吏當廳交納

交訖用紅印於曆內本日合糶米數下

之右如錢數不足分明批上實糶之數却付人戶以入門

印印其左手入門監官逐隊叫各保正長引賑糶人以次

糶米訖監官用糶米訖青印印其曆內交錢印之左仍用

濕布拭去手印即時出門一保畢又引一保如前一賑糶

人戶逐都各置絹旗一面

止用小絹一幅約長二尺各書第幾都字

逐保各置

小旗一面或絹或紙從便各書第幾都第幾保字逐場都各各異色保各如

其都之色以上十一月二十九日

委官往各場究見元認米數椿管實數

契勘先據星子等三縣官勸諭到管下有力上戶承認賑糶米穀接濟民間食用軍司已籍定姓名認糶數目及行下各令椿管準備將來賑糶切慮其中有椿不及所認之數有悞指準合行委官前去究見各戶見今的實椿管米穀數目如有闕少即請嚴責近限計置椿管數足十一月再措置場所賑濟孤老人等約束

照對今歲旱傷軍司已行措置賑濟賑糶事件立日式行下三縣遵守一例施行自來年正月初一日為頭賑糶賑濟去訖數內合賑糶事件切慮軍司所未盡兼賑濟孤老殘疾等人若依每月作六次支給又恐冬寒趁日分赴

場請米不及合行下三縣如所行賑糶事件未盡請畫條具申軍所是賑濟孤老殘疾等人所請米次數可改作每月初一日十六日作兩次預行支給庶幾不至失所十二月十二日取會諸縣知縣下鄉勸諭佈種如何施行事使軍契勘先印給文榜發下三縣曉諭鄉民將田土趁時犁翻多種二麥今詢問得除種麥田地外尙有未犁田地去處稍多及已耕翻田鄉民又不趁時墾事兼相去交春日逼切慮農事失時委自知縣躬親下鄉勸諭鄉民遍行翻犁田土以備來春佈種如使軍不測差官前去點檢得再有未翻犁去處必定勾追有違約束之人重行斷罪先具已如何施行狀申

十二月十七日

再行下三縣勸諭到上戶賑糶不許抵拒事

契勘今歲旱傷細民闕食已行下都昌縣勸諭到上戶承
認賑濟米穀數目申軍使司亦已行下本縣將勸諭到上
戶米穀數日照應置場處戶口多寡分撥付逐場出糶務
要均平切慮其間上戶抵拒官司不卽依從分撥有悞賑
糶不便合行下三縣如有上戶不遵從官司分撥卽仰具
姓名申軍使司轉請田稅具又不該執壘等案詳請交卷

軍使司行下米場人戶不到者於總簿用印

照對今歲本軍管屬旱傷已行關防約束行下三縣自來
年正月爲頭賑糶賑濟去訖所是賑糶米日分人戶赴場
糶米不及仰監糶官卽時用不到印子於總簿姓名下印
訖爲照合行下仍關報逐場十二月二十六日

具申軍使司行下米場具糶過米式

照對本軍管屬今歲旱傷已據星子都建昌縣勸諭到上

戶承認賑糶米穀數目申軍使司亦已措置關防置場差
官下縣監轄自今年正月爲頭賑賑濟去訖所有各縣
合五日一次遇糶米日分具糶過米數文帳二本申縣本
縣繳連一本申軍今立式下項
某處賑糶場

今具某月某日糶過米數下項

一本場本日合糶人戶計若干共糶米若干

大人若干合糶若干

小兒若干合糶若干

一本日實到糶米人戶若干共糶過上戶某人米若干如

是糶官米卽說官米

大人若干糶過米若干

小兒若干糶過米若干

一比合糴米數不到人戶若干少糴米若干

大人若干合糴米若干

小兒若干合糴米若干

右謹具申 聞淳熙八年正月初二日

施行場所未盡抄劄戶

照對本軍管屬星子都昌建昌縣旱傷已行下各縣委官抄劄到闕食戶口人數自今年正月爲頭賑糴賑濟近據人戶前來投陳係漏落抄劄不盡本軍未見着實難便施行今出榜賑糴濟場曉示如有不濟戶當來漏落未曾抄劄卽仰具狀經本場巡察官陳理從本官見着實如委係闕食卽仰一面賑糴具姓名保明申軍其間或有稅產得過人戶以乞賑濟爲名意在避免賦役輒敢妄冒煩紊官司罪當追治

措置行下各場關防上戶用濕惡糙米

照對本軍旱傷已行下三縣勸諭管下上戶承認米穀賑
糶軍司已行措置關防約束置場差官下縣監轄賑糶外
切慮其間有上戶却將濕惡麤米穀赴場出糶有悞民
間食用合行下三縣如有上戶津般到濕惡麤米穀米卽
仰退回令上戶津般堪好米穀出糶不得容令作弊并卽
榜曉示以上正月初六日

續置曆下場五日一次開具糶過米

照對本軍管屬旱傷細民闕食已行下三縣勸諭到上戶
承認賑糶米穀數目申軍使司已關防措置約束事件置
場給曆下縣付人戶差官監轄自今年正月爲頭每五日
一次賑糶切慮其間尙有人戶不能措辦五日錢一頓收
糶合續添賑糶曆一本立式行下三縣關報逐場如有人

戶願日赴場收糴米斛者卽仰賣元立曆頭赴巡察官粘連印押付人戶逐日收糴其有人戶願依前五日一次赴場收糴者卽仰依已行事件施行仍五日一次開具糴過米穀文帳供申正月八日

行下普作賑濟兩日

契勘本軍管屬旱傷尤甚細民闕食已行下三縣抄劄到闕食戶口人數申軍及勸諭到上戶張世亨等四名依格承認賑濟米共一萬九千石及依條取撥常平義倉米自淳熙八年正月以後緣管屬寒雪本軍行下屬縣將賑糴人戶一例賑濟兩日正月八日帖都建昌縣

再諭上戶借貸米穀事

契勘本軍管屬去歲旱傷已行下星子等三縣勸諭上戶以所收米穀賑糴除認數外有餘剩米穀并不係勸諭賑

糶米穀人家遞年多是春間將米穀等生放下戶秋冬隨例收息今來上戶以旱傷之故慮恐下戶將來負欠不還官司不爲受理仍以官司勸諭爲詞不肯生放使下戶用乏失業不便使司今準淳熙四年十二月初三日指揮節文諸人戶賒糶米令欠戶還米本外每斗收息五升其生放約秋成計本息還錢亦合一體施行如有拖欠不還官爲理索所貴兩無虧損合行下三縣散榜勸諭約束施行

正月十九日

再委官體訪場所合干人減尅等事

契勘本軍管下去歲旱傷已行下三縣勸諭到上戶賑糶米穀使司遂措置差官下縣分場

監轄賑糶濟及帖縣官分定地頭巡察去訖切慮各縣逐場監糶濟官容縱合干等人減尅升斛及容上戶將砂土

碎截濕惡空穀米穀赴場中糶濟及巡察官不卽前去巡察事屬不便就委官前去體訪如有似此違戾去處卽具狀供申正月廿二日

申監司爲賑糶場利害事件

契勘本軍并管屬諸縣去歲旱傷至甚細民闕食切慮人戶逃移失業遂多方勸諭上戶賑糶米穀并將見管常平米數行下分定置場去處官吏監轄糶濟應接細民食用今有下項利害事件合申諸監司正月廿九日

除本軍勸諭上戶椿管米數并於外州和糶及常平米糶濟應接管內細民食用外近來續據人戶陳訴當來抄劄漏落姓名及隣路州軍流民前來逐食又不免行下管屬多方存卹相度賑濟所費米斛比之元來計度數目大改增添而向去小熟日子尙遠切慮所椿米穀不能周給無

可接續糶濟却致民間缺食事屬不便乞卽撥米二三萬石應副接續糶濟如蒙允許卽乞早賜行下取撥去處以憑差撥人舡前去搬取

本軍昨準淳熙七年九月十三日勅中書門下省檢會昨

準乾道七年八月一日指揮立定勸諭上戶賑糶濟格目

給降付身補授各目內無官人一千五百石補進義校尉

願補不理選限二千石補進武校尉如係進士免文解一

將仕郎者聽與免短補上州文學四千石補承信郎與五千石補承節郎

使一次補迪補進士進士補進士如是賑糶依此減半推賞又準淳熙七年十月

八日指揮節文賑糶米於市價減半錢數卽照已降指揮

推賞

本軍卽已備坐行下管屬勸諭只據上戶張世亨張邦獻

劉師與黃澄四名承認依格賑濟本軍已行具奏及申諸

監司照會賑糶一項至今尙未有申到承認應格之人蓋緣本軍地瘠民貧除上項四家賑濟之外未有出得上件米穀減半出糶之人是到所認米穀數目不多有闕賑糶欲乞詳酌所申特賜敷奏乞將上戶承認賑糶米價止令量減四分之一便與依格推賞却於所得官資比折錢數量展磨勘之類早賜行下勸諭增認庶使上戶樂於就賞細民不致闕食

今照管屬近來不住有外州縣飢民流移入界本軍已行下諸縣存卹及委自當職官勸諭上力收充佃客借與空閑屋宇許令請佃係官田土給與種糧趁春開耕如向去豐熟外州縣稅戶前來識認官司不得受理如今來所招佃客將來衷私搬走回鄉卽許元贍養稅戶經所屬陳理官爲差人前去追取押回斷罪交還及散榜鄉村遍行曉

示外欲乞詳酌更申朝省明降指揮行下庶幾州縣有所
遵守不惟安集流民免致失所亦使開闢曠土供納稅賦
實爲利便二月一日

申提舉司借米付人戶築陂塘

照對管屬星子等三縣去歲旱傷尤甚緣田段多是高仰
見管陂塘多是穿漏是致旱死不住據管屬星子都昌建
昌人戶經官陳乞借口糧脩築陂塘本軍行下逐縣委自
知縣躬親前去管下逐一驗視所管陂塘如有穿漏及開
掘卽仰一面計度合用工數供報提舉司乞支撥米斛已
蒙提舉衙回牒指揮支撥保借常平司六百五十四石正
月廿九日

施行闕食未盡抄劄人等事

照對本軍管下三縣諸鄉保正當來受情不行依公抄劄

闕食人戶多將得過隱實之人抄作闕食其實是闕食人戶却不抄劄未欲便行追究合行約束

仰隅官保正照應本縣巡察官所行事理須管從實隨門再行審實抄劄闕食人戶若保正依前減裂不卽同隅官抄劄及將元冒濫人蓋庇或在鄉乞覓人戶分文錢物仰隅官具狀陳訴切待追究重作施行

有當來不應抄劄隱實有營運物業之家及上戶自能贍給地客見執使軍曆頭之人仰隅官保正追收繳納若顏情蓋庇不卽追納別致人戶陳訴或覺察得知必定重作行遣

有委是闕食人戶隅官保正不爲抄劄或保正等乞覓搔擾仰被擾人戶不拘早晚赴本軍陳告切待重作行遣有得過人戶妄稱闕食陳乞給曆紊煩官司之人定當追

收赴軍重斷

有合追收元給文曆人戶輒敢倚恃猾健訟把持不伏追收仰隅官保正具狀陳訴切待重作行遣

仰屬縣逐鄉隅官保正從實再行審實抄劄到闕食人戶切待委官躬親下鄉隨門審實如再有不實仍前泛濫去處必定追收犯人赴軍定送獄根勘情弊施行以上二月十八日

審實糶濟約束

照對已行帖逐縣審實糶濟事件切慮各鄉隅官保正不依所行約束別致引惹詞訴事屬不便合帖屬縣再行約束開具供申

各鄉有營運店業興盛之家其元給曆頭合行追取若雖有些小店業買賣微細不能贍給已請曆頭不合追回如有似此未係抄劄之人亦請今隅官保正從實根括施行

毋至泛濫

各鄉上戶地客如主家自能贍給其元給曆頭合行追收如主家見自闕食不能贍給雖是地客亦合給曆如有似此之人卽請隅官保正從實根括毋致泛濫

各鄉人戶如將戶名及第行重賣請去曆頭合行追回如是只用第行雖不用戶名實非重疊其已請曆不合追取人戶已請曆頭如有虛增口數今來覈實合行減退卽請於曆頭并總簿內分明改正

縣市

一上等有店業日逐買賣營運興盛及自有稅產贍給不合請給曆頭人戶若干

開具坊巷逐戶姓名大小口數

一中等得過之家并公人等合赴縣倉糴米人若干

開具坊巷逐戶姓名大小口數
一下等貧乏小經紀人及雖有些小店業買賣不多并極
貧秀才合請曆頭人戶若干

開具坊巷逐戶姓名大小口數

以上二月十八日

施行權免和糴令客米從便往來
本軍旱傷遂支撥官錢委官在軍置場和糴客人米斛循
環糴糴應接民間食用及本軍勸諭到上戶承認糴米斛
并差公吏前去收糴到米斛椿管賑糴濟不闕所有元置
和糴賑糴場合權行住糴客人米斛及出榜曉示從便上
下出糴

免糴客米三分

照對本軍去歲旱傷細民闕食遂行措置場和糴客旅米
斛三分應接食用今來賑糴濟米數不闕已行住糴合行

散榜上流州軍客旅通知

照得本旅行許令人戶借貸官司米穀充種子佈種

照對管下三縣去歲旱傷至重本軍已行措置賑糶賑濟
近來節次據人戶經軍陳狀因旱傷目今佈種是時闕少
種糧乞行借貸常平米斛佈田軍司已行下各縣相度依
條施行去訖未據申到今檢準常平免役令諸災傷計一
縣板稅七分以上第四等以下戶乏種食者雖舊有欠
閣不以月分聽結保貸借米穀不堪充種子紐直以錢各
二貫石給限半年隨稅納仍免息利豫以應支數保明申
提舉司行訖申尙書戶部雖計一縣放稅不及七分而本戶稅及七分者準此
今來除星子知縣一面究實相度依條借貸外所有都建
昌縣合委官同各縣知佐相度究見管下第四等以下戶
委實闕乏種食之人各令結保依條施行二月廿七日刊

不係賑濟人一例賑濟

契勘去歲旱傷細民闕食使軍已行勸諭到上戶承認糶濟米穀及有上戶自能贍給佃地客戶口外使軍已印牌曆付闕食人赴場賑糶濟除將見有牌曆合糶濟人戶普行賑濟外其上戶贍給地佃等日前除豁不係賑糶之人亦行抄劄一例賑濟一十三日自三月十一日爲頭將張世亨等所認米及取撥常平米普行賑濟務要實惠二日行下各縣抄劄戶口并立支米穀正數

契勘所支賑糶米緣三縣各鄉間有數戶抄劄口數太多恐未盡實合委官與縣官評議豫將所支米穀立定正數賑濟施行

二十口以上每戶支穀止於五石

二十口以下十五口以上每戶支穀止於四石二十五口

以下計口計日支給如管穀四石以上所支亦止於四石
三月十六日

都昌縣搬張劉二家米等事

照對都昌縣止勸諭到黃澄一名承認賑濟米五千石湊
所管義倉米會計賑濟不周本軍遂行下建昌縣於張世
亨劉師輿賑濟米內取撥四千石付都昌縣賑濟其合用
顧舟水脚錢每石支錢三十五文省并每石支搬脚錢四
十十文足今張劉二家差人搬檐就官請領顧錢並經都
昌縣所管常平米錢內支破三月十七日

諸縣得米人戶依時佈種等事

使軍近行下諸縣但係元給牌曆賑糶賑濟民戶並以勸
諭到張世亨黃澄劉將仕米及義倉米並行賑濟半月仰
得米人戶併力及時耕種田土如合千人減尅不行盡實

給數卽仰人戶徑赴使軍陳訴切待根究重作施行二月
二十三日

行下各場普濟半月外照約束接續
照對使軍近將勸諭到上戶黃澄張世亨等賑濟米斛自
今年三月一日爲頭普行賑濟通作一十五日今來相次
了畢所有元勸諭到上戶承認賑糴米斛合行依使軍先
來約束接續賑糴應接細民食用閏三月三日

委官覈實四戶賑濟米數縣官保明事

照對去歲旱傷細民闕食勸諭到都昌建昌縣上戶張世
亨等四名共賑濟米一萬九千石本軍遂行措置相度地
里遠近分作三十五場委官監轄賑濟及委官巡察近準
尙書省劄子檢會淳熙八年正月二十三日勅中書門下
省勘會兩浙江東西湖北淮西州軍去年間有旱傷去處

檢坐乾道七年內立定勸諭富室上戶賑濟賑糴米斛賞格已降指揮行下逐路施行近來逐路州軍雖有開具已勸諭到賑濟賑糴數目緣無逐司保明是致推賞未得切慮因而滯留未稱勸賞之意正月二十三日三省同奉聖旨令逐路安撫轉運提舉司各行下所部州縣將願出穀賑濟賑糴之家如有見得數目應格合行推賞即日下縣結罪保明申州州結罪保明申逐司仍仰逐司疾速連銜保明申尚書省不得少有稽滯今有張世亨等所認賑濟米斛已行普濟管下闕食人戶相次了畢未見逐縣知縣結罪保明申軍施行今帖委司法前去建昌都昌縣覈實的確賑濟米穀數目結罪保明供申切待再行稽考施行

閏三月三日

移文江西通放客米及本軍糴米舡事

契勘本軍管屬去歲旱傷細民闕食及無軍糧支遣本軍節次借撥官錢五萬三百四十四貫三百七十九文差撥公吏前去江西得熟州軍收糴到米共二萬三千五百二石二斗四升五合回軍賑糴及支遣軍糧并檢準淳熙令諸米穀遇災傷官司不得禁止搬販及近降指揮州縣不許閉糴如有遏糴州軍許隣州越訴又準今年八月十九日聖旨指揮節文江東安撫使陳少保奏今歲災傷先合措置通放米斛州縣遏糴去處許人戶經本司越訴遂移文江西轉運司安撫司并奉新縣等通放米舡回軍賑糴支遣軍糧施行

節次差公吏收糴并撥錢下賑糴場

軍資庫錢共二萬一千三百六十二貫八百九十六文四千貫文省差劉京手分盧文彬管押於去年七月十六

日前去隆興府管下常池市收糴到米二千三百一十六石九斗六升於八月二十一日到建昌縣交卸賑糴文四
四千貫文省差衙前楊發手分朱浚於去年七月十八日
前去隆興府管下進賢縣收糴到米一千九百二十一石
八斗一升并穀一百五十八石五斗至十月初九日回軍
城下省倉交量米七百九十石

都昌縣交量米八百二十一石三斗一升
星子縣交量米二百一十石五斗穀一百五十八石五斗
一百七十一貫二百文省揆依折帛錢共四千貫差衙前
呂祺手分熊瑜管押於去年七月二十九日管押前去收

糴

二千貫省差衙前呂祺往隆興府管下奉新縣收糴到米
七百四十九石六斗於三月十一日回軍

九千八十二貫一百一十九文省於去年八月二十五日
已後節次支付在賑糴場收糴米係在後項聲說

正支錢二千七百一十二貫文

轉支收到公吏糴米剩到錢共六千二百七十貫一百一十九文

四百八十貫七十七文省係轉支糴米回納錢付楊發收
糴其米在後項聲說

一千貫文省支付朱彥俊糴米其米在後項聲說

一千六百二十九貫五百文省接折帛錢共四千貫付衙
前謝安道職級高宗選管押於去年七月二十九日往下
項去處收糴共一千八百二十六石一升五合於十一月
初八日回軍隆興府奉新縣糴到米一千一百六十九石
五斗六升五合淮南蘄州糴到米六百五十六石四斗五

升折帛錢共二萬八千九貫二百一十文省係淳熙五年
六年錢

一千三百七十貫五百文省係六年分支付謝安道高宗
選收糴米其共糴到米已在前項聲說

三千八百二十八貫八百文省係六年分錢付呂祺熊瑜
收糴米其米已在前項聲說

四千八百八十九貫九百一十文省付在軍賑糴場收糴
米係在後項聲說

五千貫係七年分錢差衙前孫燾職級江彥和管押於十
一月二十五日往隆興府拏湖收糴到米二千二百九十
七石一斗六升於今年正月二十三日回軍

五千貫文省差職級朱彥俊管押揆前項共六千貫文省
於十一月二十三日往江西吉州收糴共二千八百五十

石於今年三月二十九日回軍

差撥乳香度牒糯米本錢共八千八百九十二貫二百七
三文省

四千貫差衙前王邦翰手分蔣安禮管押於八月十五日
往隆興府管下常湖收糴米一千九百三十二石八斗九
升至十一月二十四日回軍

四千四百二十九貫二百七十三文省接作前項錢共四
千九百九貫三百五十五文省管押於十二月初一日往隆
興府奉新縣收糴二千三百

賑濟孤老殘疾不能自存

大人二百三十五口 小兒一十

奏乞推賞賑濟上戶

照會本軍去歲旱傷至重細民闕食

及撥到常

平米斛數目不多深恐

行勸諭到管屬上戶

承認米數賑

食用續於去年十月十一日準

行

符九月十六日辰時準淳熙七年

勅中書門下省檢準乾道七年

文訪

聞湖南

以下同約十二月止

本軍恭稟行下

管屬再行勸諭

之人如願將來賑濟功待

審究

今來所降指揮格法推賞去後

申數內勸諭到元認賑糴米稅戶張世亨劉師

輿進士張邦獻黃澄四名各情

法賑濟內

建昌縣稅戶張世亨五千石乞補承節郎進士張邦獻五

千石乞補迪功郎稅戶劉師輿四千石乞補承信郎并都

昌縣待補太學生黃澄五千石乞補迪功郎

奏施行本軍遂行下告示張

給曆付飢民及差官監轄賑濟已於去年十二月二十八日先具奏聞及申本路諸監司照會去訖續據管屬星子都昌建昌三縣共抄劄闕食飢民二萬九千五百七十八戶數內大人一十三萬七千六百七口小兒九萬二千七百七十六口本軍各仰給曆頭牌面置簿曆發送逐縣當職官給散付人戶預於縣市及諸鄉均定去處共置三十五場分見見任寄居指使添差監押酒稅監廟等大小使臣共三十五員監轄賑賑賑濟及委縣官分場巡察年戢減尅乞覓之弊自淳熙八年正月初一日爲始今抄劄到闕食人戶赴場賑糶其鰥寡孤獨之人卽以常平米斛依法賑濟至正月內又緣雪寒行下屬縣將元係賑糶飢民用上件張世亨黃澄等及常平義倉米一例賑濟兩日至三月

內又慮飢民難得錢收糴米斛再自十一日爲頭行下諸縣將已給曆賑糶飢民一例普行賑濟一十三日通作半月又照約都昌縣止有黃澄一名承認賑濟五千石湊所管義倉米會計賑濟不周本軍遂於建昌縣張世亨等賑濟米內撥米四千石本軍措置官錢和雇夫脚舟舡裝發送都昌縣交管分於置場去處責令監轄賑濟至閏三月十五日終節次據都昌縣建昌縣申到張世亨張邦獻劉師輿黃澄賑濟過米撮等共計一萬九千石星子縣元無勸諭到上戶賑濟米斛卽以常平義倉米斛依例普行賑濟外本軍節次行下都昌建昌知縣逐旋審究的實賑濟過張世亨黃澄等米數保明申軍去後據迪功郎監城下酒稅權都昌縣事孫僑通直郎知建昌縣事林叔坦狀保明到張世亨張邦獻劉師輿黃澄賑濟過米一萬九千石

委是節次賑濟飢民食用之數卽無冒濫本軍一面委差從政郎本軍司法參軍陳祖永前去都建昌縣覈實得張世亨張邦獻劉師輿黃澄賑濟米一萬九千石委是賑濟過的實之數本軍再行稽考別無冒濫保明是實本軍勘會得張世亨劉師輿各係稅戶張邦獻係應舉習詩賦終場士人并黃澄係於淳熙四年秋試應舉習詩賦取中待補太學生第十五名是實其張世亨張邦獻劉師輿黃澄賑濟過米數各應得近降指揮賞格數內稅戶張世亨賑濟過米五千石合補承節郎稅戶劉師輿賑濟過米四千石合補承信郎進士張邦獻賑濟過米五千石合補迪功郎待補太學生黃澄賑濟過米五千石合補迪功郎除已具申本路安撫司轉運司提舉司提刑司照會依條保奏推賞外欲望聖慈下所屬給降合得付身發下以憑給付

張世亨等祇受謹錄奏聞

具陳本設安撫同轉運府武舉府尉陳同法會封翁翁奏

陳同法陳太舉生黃翁翁陳同法米五千石合解並代陳同法

晦庵先生朱文公文別集卷第十

高益米五千石合解並代陳同法侯官縣儒學訓導劉簪校

陳同法米五千石合解並代陳同法內陳同法陳同法

陳太舉生黃翁翁陳同法米五千石合解並代陳同法

陳士入孫黃翁翁陳同法米五千石合解並代陳同法

會翁翁出平陸陳同法米五千石合解並代陳同法

陳同法米五千石合解並代陳同法

陳同法米五千石合解並代陳同法

陳同法米五千石合解並代陳同法

陳同法米五千石合解並代陳同法